

吳興掌故集卷之十三

九靈山長徐獻忠輯

延州布衣吳夢陽閱

後學茅獻徵校

物產類

吳興介在蘇杭之間水陸饒沃之產實過兩郡然蘇杭之業率多浮末吳興獨務本力故蠶絲物業饒於薄海他郡邑咸藉以畢用而技巧之精獨出蘇杭之下雖其勤力有餘而織嗇遺陋者尙多故其民雖無素封之奉而飢疲困苦亦稍減少是皆逾於技巧之末多矣作物產記

蠶桑

掌集十三 物產類

蠶桑之利莫盛於湖大約良地一畝可得葉八十箇每

十斤爲一箇計其一歲墾鋤壅培之費大約不過二兩而

其利倍之自看蠶之利復稍加贏而其勞固已甚矣

湖人看火大都聽命於天時而古法則以人力勝之古

人立蠶室甚密止開南北窗以紙窗藁簾重蔽之南

風則閉南窗北風則閉北窗內設火炕五處蠶姑以

單衣爲寒暖之節單衣覺寒則添火單衣覺熱則減

火一室之內自地至屋無不暖之處故天時不能損

其利也今湖中所謂蠶室甚草草一不能禦風二不

能留暖氣傷熱者則殭死傷冷者則破囊古人下腐

刑於蠶室恐風中其瘡則其閉密可知

飼蠶備葉荒有二法葉少時以白米粉糝於葉上餌之其絲更光白而韌又秋葉未落時采完好者曬乾爲細末常置暖處蠶時遇雨葉溼則以乾末糝葉上均其水氣兼乾葉易飽難飢

授時厯每年蠶室方上不可動土興作

蠶神出蜀郡圖經曰九宮仙嬪蜀之先本有蠶蟲魚鳧之說

居康山以來見鄰家養蠶自出火後卽布於地上以土坯闕限如筐不須番替每日止散葉其法甚便及上山時亦不用火詢之菱湖人云不用火者絲縷終不

掌集十三 物產類

二

如著火之光且火暖亦易成繭

野史記烏鎮大族伍氏因蠶多葉少將十餘筐瘞之田中還途見一大鯉躍入舟中載歸經阜林巡司異其行急詰之見舟中有人腿一隻縛解按察司拷掠不勝訴出瘞蠶之故命驗之則所瘞之蠶變爲死屍恰少一腿乃併其主抵罪物之冤報雖若誕妄然固可戒也

禾稻

湖耕深而種稀其土力本饒沃種不稀者至秋多病蟲嘗見歸雲菴老僧言吾田先用人耕繼用牛耕大率深至八寸故倍收

湖之老農言下糞不可太早太早而後力不接交秋多縮而不秀初種時必以河泥作底其力雖慢而長伏暑時稍下灰或菜餅其力亦慢而不迅疾立秋後交處暑始下大肥壅則其力倍而穗長矣

吾居山中往往旱荒乞得旱稻種吳石岐大參家糯紫黑色而瘦者白往時宋眞宗因兩浙旱荒命於福建取占城稻三萬斛散之仍以種法下轉運司示民卽今之旱稻也初止散於兩浙今北方高仰處類有之者因宋時有江翔者建安人爲汝州魯山令邑多苦旱乃自建安取旱稻種耐旱而繁實且可久蓄高原種之歲歲足食種法大率如種麥治地畢豫浸一宿然後打擲下子用稻草灰和水澆之每鋤草一次澆糞水一次至于三卽秀矣

山藥

山藥本名薯蕷以山土所宜故名山藥種忌大糞濟寧州以牛馬乾糞種之然黑土不如黃沙土平地種者無益予以供早旦下食兼作東坡玉滲羹及作酒方在本草

蔬菜

白頭菜極肥大而短卽杭之黃矮菜予在四明一種名雪裏菠言其抽薹早也脆而佳吳中箭幹菜極宜醃藏

湖中諸佳蔬易辦而美惟茄不如松江之肥大其餘皆可以養老省擊鮮也敬直老人曰老人有性喜茹素不忍害物者菽水之奉在佳蔬藥菜料理如法殊益於人杞菊芎朮等苗嫩時采食之或煮或齏或炒或罨悉用土蘇鹽豉加鹽下醃甚良蔓菁作齏甚妙不斷五辛者春秋嫩韭四時采難甚益菜豆紫蘇胡麻俱能下氣

湖人不甚食齏齏和肝氣明目夜則血歸於肝肝氣和則血脈流通津液暢潤東坡與徐十三齏羹書以爲天然之珍雖不甘於五味而有味外之美天生此物以爲幽人山居之祿

湖中多蓴緇孟希云永興湘湖蓴菜三月盡采賣至秋則無人采矣孟希此語止一方之見耳春蓴如亂髮成本此則猶常菜不足異秋蓴長丈許中止一二尺生冰甚滑一二尺外皆棄物且春蓴嫩不可作羹秋風之思在此一二尺間耳以菜體計之宜永興之不知采也

湖俗務本諸利俱集春時看蠶一月之勞而得厚利其他菜麥麻苧木絲菱藕蘿葶薑芋各隨土宜以濟缺乏逐末者與之推移轉徙山中竹木茶筍亦饒故荒歉之年不過減其分數不至大困吾松小民仰足惟佳穀一熟而已至於平地可以桑麻汗卑可以菱藕

悉棄不經理何其愚甚也

蔓菁根能濟飢若蘿菔止主消食蔓菁薑苗可作菜子
可作油諸葛種之蜀中有自也

茶

唐制湖州貢茶甚多歲造顧渚茶一萬八千四百斤大
麻後又有進奉上品茶建中二年袁高刺郡進三千
六百串并詩一章

我朝太祖皇帝喜顧渚茶今定制歲貢止三十二斤清
明前二日縣官親詣采造進

南京奉先殿焚香而已未嘗別有上供此自來進茶
輕省之日也

兩浙茶產雖佳宋祚以來未經進御李溥爲江淮發運
使章憲垂簾時溥因奏事盛稱浙茶之美云自來進
御惟建州茶餅浙茶未嘗修貢本司以羨餘錢買到
數千斤乞進入內乃自國門挽船而入稱進奉茶綱
有司不敢問貢餘悉入私室溥晚年竟以賄敗竄謫
海州而進茶遂爲例矣

陸羽茶經湖州生長城縣顧渚與陝州光州同生白茅
縣腳嶺與襄州荆南義陽同生鳳亭山伏翼澗飛雲
曲水二寺啄木嶺與壽州常州同生安吉武康二縣
山谷與金州梁州同今時茶品已定與唐時不同大
抵南產優而絕無用團者紫筍旗牙雀牙之品大著

矣羽所謂常州卽陽羨也與顧渚故同而湖茶亦必先顧渚其他亦未必如羽所云

杜鴻漸與楊祭酒書云顧渚山出紫筍茶兩片此物但恨帝未得嘗實所歎息一片上太夫人一片充昆弟同啜然則唐人所進類非佳品觀此書可知矣其後開成三年以貢不如法停刺史裴充官

茶經言茶之原之法之具天下益知飲茶矣鬻茶者至陶羽形置竈突閒爲茶神有常伯熊者因羽論茶復廣之其後尙茶成風回紇入朝始驅馬市茶茶權始嚴皆貞元閒事也

羅峽在長城之西鄉由合谿至其地四十里地多羅姓

其茶麤枝大葉立夏始開園采摘其味太厚必藉煎法始成佳品

世說王蒙好茶人至輒命飲士大夫皆患之每欲往候必云今日有水厄唐人茶序云釋滯消壅一日之利暫佳瘠氣侵精終身之患斯大獲益則功歸茶力貽患則不謂茶災豈非福近易知禍遠難見者乎

筍

吳興城西棲賢嶺十四五里之間專種毛竹筍最佳有重至十五斤者其種法稀留竹本每年鋤二次林中並無草根吳人所啖皆是未出土者見地有氣眼只知下有筍用刀掘出其白如玉出土者方爲蘇松

口料也

深山梅谿以上皆荒山筍然地遠不能及時遠致作筍齏賣之極軟滑可供盤飧名酸筍

嘗見山僧作筍粥幽尚可愛○山僧煮筍用大塊云薄則味脫大塊久煮令軟其味自全

吳僧贊寧筍譜天目山筍五月生盡六月其筍色黃今人以天目筍脯見饋其色綠少有黃者又聞不但早取且有煮法旋湯使急轉下筍再不犯器卽綠矣

贊寧寄問天目舊友山中所出伊僧報詩云山中人事違天眼中修定我本無根株只將筍爲命

筍亦有毒須用姜或茱萸醬制之一說滑利大腸而益

於肺謂之刮腸筍一云竹實少陽之氣而剋脾土湖人移竹俱在五月筍後癸辛雜志云種竹法當於筍後竹已成竿卽移先一歲者當年八月便可行根來春便抽筍總有烈日不過早晚以水澆之無不活者但須記取南根多留宿根而髡其梢耳

梅

石湖梅譜云古梅會稽最多四明吳興亦間有之其枝虬曲萬狀蒼蘚鱗皴封滿花身又有苔鬚垂於枝間或長數寸風至綠絲飄飄可玩初謂古木久歷風日致然詳攷所產雖小株亦有苔痕蓋別是一種予從會稽移植十本一年後花雖盛苔皆剝落殆盡惟湖

之武康所得者卽不變此風土使然會稽隔一江湖
蘇接壤土宜亦異同也

安吉之梅谿以梅得名而烏梅特爲名產他方所製取
自殘落安吉特摘完好者爲之其得名非徒然也

筆

湖俗出筆工徧海內製筆皆湖人也其地名善璉邨邨
有含山山顛浮屠其卓如筆孤立無從故出筆工然
得法者亦少嘗見米元章一帖云馬元京師人京師
筆工不善殺毫不能簞無墨池故轉掣枯竭元遊四
方備能之其至姑蘇也僕頗用焉觀此帖則其法可
知矣元時趙子昂所用馮應科爲一時絕藝然作史

筆集十三

物產類

八

者以子昂書錢舜舉畫與應科筆爲湖州三絕則過
矣崔烈古今注云筆以鹿毛爲柱羊毛爲被然海南
有以雞毛爲筆山谷嘗用之唐人有以胎髮爲柱者
齊己寄仁公詩云內爲胎髮爲秋毫綠玉新裁管束
牢老病手疼無奈爾卻資年少寫風騷

硯

思陵翰墨志云宋虞龢論文房之用有吳興青石員研
質滑而停墨殊勝南方瓦石今茗書間不聞有此石
豈昔以珍今或不然或無好事者發之抑端璞徽阮
旣用則此石遂爲世所略

桃花石

安吉在唐武德中改名桃州皎然送安吉康丞詩云君
吏桃州尙奇跡桃州采得桃花石則名州之義本以
桃花石爲當時所重又皎然有桃花石枕歌云卞山
幽石產奇璞荆人至死采不著然則桃花石又出卞
山

松黃

松之精有三用茯苓松脂與松黃也松黃酒服之輕身
療病與脂苓之功相上下今吳興多取用松黃而不
能采脂苓又養老新書云松蕊去赤皮取嫩白者蜜
漬之略燒令蜜透勿太熟極香脆劉司空南坦翁自
呂山寄王履吉松英藥餌履吉復詩云坦林晝永團
松蓋弁壑春陰長藥苗寄我遠從丹洞口報君惟有
白雲謠今予在吳每清明時采食殊得其力兼得煉
松脂法及東坡茯苓沙法惜二物無古松可取止於
市中購得之松脂煉白如玉苓用蜜團置鑊中煮三
炷香卽成沙矣

菖蒲

山澗幽僻處多石菖蒲蒲性幽不可近塵土及煙氣養
老新書云夜檠閒置一兩盆可以收煙不薰眼此非
知蒲性者一經油煙則色暗無光久則沓爛塵土著
亦能憔悴天暖常以清泉濯之無清泉則承黃梅雨
水大缸置之幽處時時濯洗冬則置淨室三月下旬

方可移置庭除覆蔽日色然後茂美見友人一本經五十年其根自相糾結更不藉土石止以清泉清養之其服食方見本草久服輕身聰明不忘延年藥也

菌蕈

湖中大旱乏食見其采菌蕈食之子止其有毒山人云凡色大紅及黑白色者俱不可食惟淡紅色者無毒予讀夷堅志所云簡坊大蕈及金谿田僕至殞命者十四人癸辛志載感慈菴僧得奇蕈事死者十餘人凡蕈之奇且大者有毒無疑蕈受溼熱之氣謹疾者宜詳之兩河初夏生麻菰卽蕈也極大者亦不可食惟種出者無毒種以爛楮木數寸碎之埋土中以米

掌集十三 物產類

十

泔灌卽生不出三日矣閩中種香蕈法見王氏農書

楊梅

吳興記云故鄣縣北有石郭山上產楊梅常以供御石郭山在今安吉西北十里今之佳者生卞山東太子匯俗云北山楊梅南山李城南庚邨特產佳李也楊梅根須以草灰禦其冬寒方茂結

蕨

予見湖中被荒時教之采蕨其苗曰蕨其春初可作菜其根深者至三四尺每根二斤擣取粉水澄細者可充一夫一日之食自九月至二月可采至三月穿芽則根虛不可食可救半年荒也元人黃君瑞歌云信

哉鄉民蕨作糧三月懷飢聚頭哭蕨其開葉不可餐
蕨根有粉聊鉏鑿觀此則三月以後不可食矣蕨性
極寒損胃氣須雜米粉食之否則病黃

魚

湖魚佳者莫過於魴土名鰻每大風起湖中卽捕得之
郭西大龍谿中得者更佳

春三月一種小魴名鱈沽大者三寸亦時也

鰻乃寄生非胎卵物也烏鱧鬣上春深有細蟲卽鰻也
稍能游泳卽脫去松江秋深鰻始盛謂之落鰻湖中
止食春鰻鰻至秋涼始去湖入海

銀魚亦蜆蚌口上寄生安吉州梅谿之下其品上美

烏鱧極多產湖人少食者葆光集載嘗人漁者將筭籃
捕魚往收之際見一鱧長數尺枕筭上將鐵叉射之
不中看筭內有小鱧漁者知其子也隱候之良久復
至求出其子漁者悟而祝云若有變云當放爾子其
魚乃吐黃氣一條上有一僧長數寸其氣高二丈餘
頃乃沒漁者駭而放之因棄業於金山寺爲僧湖人
好傳其事故鮮食者夫蠢動含靈皆有佛性漁人一
念佛心已生其所感亦機悟也

秋深時湖上人作裹鮓小魚加香料米粉荷葉包裹熱
過可食名荷葉鮓唐人李頎漁父綠水飯香稻青荷
苞紫鱗正謂此也

相傳太湖產紫鬚鱻自爛谿以東至分湖皆可得之昔
人謂鱻腹有真稻芒霜降後入海輸與海神此大誕
妄鱻子未成時曰黃黃中有細骨黃依以生非稻芒
也入海則黃化爲子而芒亦漸長至春深散子則芒
亦輸出鱻腐矣好事者傳會大率如此不但鱻芒也

吳興掌故集卷之十三

掌集十三

物產類